

■ TRIBUNA POLITICA

Provediment da sanadad

Da las regiuns d'ospital, da spitex, da chasas da persunas attempadas e da chasas da tgira a las futuras regiuns da provediment da la sanadad

DA PETER PEYER,
CUSSEGLIER GUVERNATIV

La revisiun parziala da la lescha per promover la tgira da persunas malsaunas che la regenza ha dà en consultaziun prevesa la furmaziun da regiuns da provediment da la sanadad. Las regiuns d'ospital, da chasas da persunas attempadas, da chasas da tgira e da spitex duain avair en l'avegnir territoris congruents. Questa concepziun congruenta è la premissa per ch'il provediment da la sanadad saja pront per il futur, disponia da bunas structuradas ed haja in'auta qualitat en tut il chantun.

Il squitsch da custs e las pretensiuns da qualitat en ils fatgs da sanadad creschan ad in crescher. Medemamain en ulteriusas midadas er en discussiun sin plaun naziunal. Sco exempels saja numnà «ambulant avant staziunar» e «dumbers minimalis da cas». Ils singuls ospitals – cun excepziun da l'Ospital chantunal dal Grischun –, las chasas da persunas attempadas e da tgira ed ils servetschs da spitex da noss chantun han ina grondezza da manaschi memia pitschna per pudair vegnir a frida en l'avegnir en moda efficazia cun las cundiziuns generalas che sa midan. Ina strategia raschunaivla areguard questas cundiziuns generalas premetta adapta-



ziuns structuralas da l'organisaziun dals furniturs da prestaziuns. La concepziun congruenta da las regiuns d'ospital, da chasas da persunas attempadas, da chasas da tgira e da spitex è ina tala adattaziun. Ella pussibilitescha ina planisaziun coordinada ed ina concepziun optimala da la collavuraziun tranter ils furniturs da prestaziuns da la regiun respectiva da provediment da la sanadad.

Ina segunda mesira prevista è il transferiment da la gestiun strategica ed operativa dals manaschis da la regiun respectiva da provediment da la sanadad ad ina instituziun che vegn endrizzata per quest intent da las vischnancas. Il sbob da consultaziun da la regenza prevesa ch'i vegnia constituida ina fundaziun per quest intent. Il transferiment pussibilitescha sinergias en ils secturs da la strategia, dal manaschi sco er da las investiziuns, ma er areguard la qualitat. Il

transferiment da la gestiun strategica ed operativa dal manaschi ad ina fundaziun è bain ina decisiun voluntara. Ella duai dentant vegnir promovida tras impuls finanzials. Per quest intent èsi previs ch'ils purtaders che sa decidan da betg transferir la gestiun strategica ed operativa ad ina fundaziun survegnian da main contribuziuns dal chantun e possian incassar contribuziuns main autas da las abitantas e dals abitants da las chasas da persunas attempadas e da tgira.

La realisaziun da tut las mesiras duai avair effects positivs d'ina vart per la qualitat dals process e dals resultats ed uschia per il tractament medical, da l'autra vart dentant er per la tgira e per l'assistenza da las pazientas e dals pazients, da las abitantas e dals abitants da las chasas da persunas attempadas e da tgira sco er tar la spitex. Cun paucs plets: Malgrà las pretensiuns creschentas vulain nus garantir er en l'avegnir en tut il chantun in provediment da la sanadad d'auta qualitat.

Prendai il pled! La consultaziun dura anc fin ils 30 d'avrigl 2019.

Tut ils documents en chausa chattais vos qua: www.gr.ch/RM/publicazioni/Consultaziuns